

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE SANIDADE, SERVIZOS SOCIAIS, FAMILIA, DEPENDENCIA, MAIORES, IGUALDADE E MOCIDADE, O DÍA 24 DE MAIO 2013 ÁS 13:00 HORAS.

Sendo as trece horas (13:00) do día 24 de maio de 2013, reúnese en sesión ordinaria convocada ao efecto a Comisión Informativa Permanente de Sanidade, Servizos Sociais, Familia, Dependencia, Maiores, Igualdade e Mocidade, coa asistencia das/os concelleiras /os que de seguido se indican.

Concelleiras/os asistentes:

Vocais:

Grupo municipal popular

Santiago V. Amor Barreiro

M^a Carmen Verde Leboráns

Grupo municipal socialista

Carmen Fraga Crespo

M^a Isabel González Cancela

Concelleiras/os non adscritas/os

Olalla Alvite del Río

Xosé Anxo Doval Rey

Susana Mallo Redondo

M^a Dolores Fernández Álvarez

Manuel J. Ferreiro Santiago

Alfonso Rey López

María González Gómez

Emilio Martínez Carballeira

Ramón García Argibay

Presidente: Don Santiago V. Amor Barreiro

Secretaria: Dona Rosa Ana Prada Queipo.

ORDE DO DÍA:

Punto primeiro.- Aprobación, se procede, de actas anteriores.

Por unanimidade apróbase a acta correspondente á sesión de 19 de abril de 2013.

Punto segundo.- Aprobación inicial da Ordenanza de emerxencia social do concello de Ames.

O señor presidente da comisión don **Santiago V. Amor Barreiro** cede a palabra á concelleira delegada de Medio Ambiente, Sanidade, Cultura, Deportes e Benestar Social dona **María Eugenia Martín Vicente**, a cal, substancialmente, expón o contido da ordenanza que se somete a aprobación inicial.

Intervén a concelleira **María Dolores Fernández Álvarez** para expoñer, substancialmente, que un dos acordos da proposta da Alcaldía, e do informe conxunto de secretaría e intervención, recolle en primeiro lugar a derogación da ordenanza vixente antes da aprobación inicial da que se presenta, o cal considera que é incorrecto e que ademais nunca se fixo así. Reitera que esa derogación no debe producirse antes da aprobación inicial da ordenanza.

Intervén a señora secretaria dona **Rosa Ana Prada Queipo** para indicar que no texto da nova ordenanza xa figura unha cláusula de derogación da ordenanza vixente, ante o cal cabe a posibilidade de que efectivamente exista redundancia neste extremo, polo que propón en coherencia co aportado pola concelleira suprimir esa

primeira proposta de acordo de derogación da ordenanza vixente.

Intervén o concelleiro don **Alfonso Rey López** para, substancialmente, referirse ao que, ao seu entender, existen varios erros no texto do informe técnico, erros na sintaxe e na ortografía, facendo de seguido diversas precisións sobre o uso correcto do galego, xa que considera que tal e como está expresado non pode ser interpretado correctamente. Subliña a conveniencia de utilizar corrector de galego.

Tras un breve cambio de impresións o asunto é ditaminado favorablemente cos votos a favor dos membros do grupo municipal popular e a abstención do resto dos asistentes á comisión informativa.

E non habendo mais asuntos de que tratar o señor presidente da por rematada a sesión ás trece horas e vinte minutos do día de referencia de todo o que eu como secretaria certifico.